

頤

綵

堂

文

集

頤綵堂文集卷十

秀水 沈叔埏 埴爲

書後三

書北湖集後

宋興國北湖居士吳則禮字子副父中復以孫夢得并薦爲御史不求識面臺官者也中復弟幾復嗣復及子姪立禮審禮皆登第有名譽惟子副以父澤入仕官至直秘閣知虢州晚居豫章考史志集十卷陳氏焦氏並同焦志又有長短句一卷其一云三十卷者衍文也東萊文鑑及誠齋詩話並采其詩當元豐元祐間子副與唐子西庚韓子

著

駟

曾公卷

紉

陳后山

師

道諸人還往酬贈詩特清雄峭拔

欲以少許勝人而全集爲其子珂所輯絕少流傳蓋佚已久矣今大典內蒐輯零篇散什得詩三百餘首詩餘二十餘首并其雜文離爲五卷余讀之詩多晚年頽放之作正如毫穎寫殘亦復不煩繩削往往雜以禪悟逸趣清言愈臻適上近體好爲生拗風格最高文則載有歐陽永叔集跋曾子固大般若經鈔序書後蓋北宋諸老子嗣猶及載筆以從者也

書南湖集後

宋張約齋鑑字功甫循王俊諸孫本鞏之成紀人

今秦州流

寓行都官奉議郎直秘閣淳熙丁未秋自臨安通守以疾
丐祠捨故宅爲蘭若卜築白洋湖名所居曰桂隱南湖經
其前東寺北園魚鄉鷗渚窮奧曠之趣適嘯歌之情一切
堂宇橋舟標識眉目多至八十餘題別有燕游志載其詳
性喜樂天詩榜書軒曰景白懸像其中爐香嚴事比於俞
清老之景陶蔣宣卿之景坡有同嗜焉其題軒有云自顧
人才雖太遠仰希閒樂或相同墅邱寺觀遊須徧臺榭舟
橋樂未窮酌酒判猶欠量平夷詩倣竟無功子遲髮白
如先約官達名高定不逢楊誠齋贊功父像云門有朱履
坐有桃李一何佳公子也冰茹雪食瑀碎月魄又何窮詩

客也又謝送詩集云兩夜連緡約齋集雙眸再見帝城春
讀之可以得其生平模軌矣顧其詩五七古憂憂獨造排
昇清雄近體佇興卽成流易有餘微乏矜鍊楊祕監嘗稱
爲詩中老賊次其流派在放翁石湖間可置一座接迹誠
齋無慚沮矣詩餘有玉照堂詞一卷今大典內抄出都爲
十卷

案浩然齋雅談放翁在朝日嘗與館閣諸人會飲於南
湖園酒酣主人出小姬新桃者歌自製曲侑尊以手中
團扇求詩翁書一絕云寒食清明數日中西園春事又
匆匆梅花自避新桃李不爲高樓一笛風童蒙訓王簡

卿嘗赴其牡丹會衆賓旣集寂無所有俄捲簾則異香
自內出郁然滿座羣妓酒殺絲竹次第而至凡首飾衣
領皆牡丹衣與花凡十易燭花香霧歌吹雜作客皆恍
然如仙遊山家清供功甫喜延山林湖海之士一日午
酌數杯後命左右作銀絲供具戒之曰調和教好又要
有真味衆客謂必鱸也良久出琴一張請琴師彈離騷
一曲衆便知銀絲乃琴絃也又要真有真味蓋取淵明琴
中有真味之意也又案

國朝王毓賢繪事備考功父旣雄於貲而復好事後房
數百人咸極一時之選風亭月榭甲於京師嘗作駕霄

亭在高松之上延賓客避暑其中登者如遊雲表精書
法兼善畫傳世者石壁松杉圖一蒼崖古木圖二石筍
修篁圖一枯槎折竹圖二秋山落木圖二墨竹圖十三

書趙文節集後

宋玉山趙文節蕃詩集三種共三十卷蕃字昌甫其先自
杭徙汴爲鄆州管城人建炎初曾祖暘字父若

見宋詩拾遺

以

少蓬出提點坑冶寓信州家焉蕃以暘致仕恩得官寶慶
初以太社令召三辭不起止於直秘閣致仕史稱其始受
學劉靜春

清之

劉守衡州乃求監安仁酒庫因以卒業至衡

而劉罷蕃卽丐祠從歸其篤於師友若此年五十問學於

紫陽旣耄命所居曰難齋考朱子文集尺牘中凡六見至
答徐斯遠書云昌甫志操文詞皆非流輩所及且欲其刊
落枝葉就日用間深察義理之本然庶幾有所據依以造
實地不但爲騷人墨客而已所以期勗之者甚摯而蕃詩
與晦翁還往及見於他作者前後二十餘首如平生知己
晦菴老歲晚方懷見晚羞至形諸夢寐可謂誠於求道者
矣集久佚散見詩家鼎鑪諸書寥寥數章今大典內纂出
乾道稿二卷淳熙稿二十卷章泉稿五卷而以蕃所作二
記及本傳及劉漫塘事所作墓表綴於後蕃少喜作詩答
書或以詩代援筆立成不經意而平淡有趣初蕃爲太和

簿受知楊文節

萬里

贈詩有云西昌主簿如禪僧日餐秋菊

嚼春冰又云勸渠未要思舊隱且與西昌作好春又贊云
貌恭氣和無月下推敲之勢神清骨聳非山頭瘦苦之容
一笑詩成萬象春風其居信上一時名勝納交戶外屢滿
放翁石屏皆有詩放翁云蝸廬溽暑不可過把卷一讀趙
子詩如游麻源第三谷忽見梅花開一枝寄書問信不可
得握臂晤語應無期惟當飲水絕火食海水忽有相逢時
石屏云君爲山中人世事安得聞入山恐未深更入幾重
雲而劉後村跋亦云近歲詩人惟章泉五言有陶阮意詩
人玉屑載蕃論詩一則以陳后山寄外舅詩爲全篇之似

杜者後戴式之思家用陳韻又全篇之似陳者麓堂詩話
謂其選唐人絕句雖少而精又案蕃家居積洞庭三十餘
考世號章泉先生與韓澗泉號有二泉之稱終於紹定年
八十七而詩以乾道淳熙分年存稿蓋作於孝宗時者獨
多故焦氏志祇載淳熙稿四十卷

又張端義貴耳集稱蕃與周益公必同里益公當軸所任

但一酒官十五年不調壽九十餘公朝尊老以秘閣正郎
聘之不至則其恬淡自守人品本高

又陳克齋

文蔚

祭文有云少日之詩工於模寫晚年天成斧

鑿不假造其境者既希故識其真者亦寡誅云不知章泉

者知擅一世之詩豪心知章泉者歎風節之孤高

書靈巖集後

宋金華唐士恥字魯無考所可知者集中有府判何公行狀一首府判名松字伯固卽何文定墓之大父士恥曾大父與松父同娶於吳母則松之女弟而士恥又爲其壻故知士恥爲金華人金華志有靈巖山靈巖寺爲梁劉孝標故宅集中又有兩溪詩卽徽溪也考婺郡諸唐自堯封首登紹興二年進士累官龍圖閣直學士大夫子饒州教授仲溫樂平主簿仲義及知台州仲友並一時名進士仲友復中詞科著述尤富仲友三子長士俊次士特士濟亦與何

爲姻婭見朱子按仲友狀集中通吉守史彌忠啓云大父
朝蹟之累年嘗在王國履簪之列先世符麾之昔日又聯
金昆羈勒之遊上聯似指堯封爲朝散時言下聯似指仲
友知台州時言擬其輩行殆堯封之諸孫仲友之猶子然
未知其爲仲溫仲義之子蓋不可得而詳矣至其出身官
階集中謝許寺丞薦舉啓云僅以門調玷於士流又云龔
緣芑蔭常領簿書通羅守啓云牽絲邑屬獄掾曹通臨
江軍王守啓云僥踰世祿名遂玷於天官漫浪邑僚職有
慚於民版又有交代張司理一啓其他簡尺率云冒綰理
曹典司五聽則士恥以蔭緒入仕薦充改秩嘗任丞倅問

刑之官而遊宦所至曰吉州曰臨江曰建昌曰萬安不越
豫章諸郡文字紀年上自嘉定下至淳祐則士恥實爲寧
理兩朝人制誥等作絕無除授姓名卽表檄箴銘贊頌諸
篇亦以擬撰成帙題自羲軒以至漢唐間取北宋八朝與
南渡初年時事似專爲應詞科試而設考高宗紹興三年
七月己未復立詞科凡十二題制詔誥表露布檄箴銘記
贊頌序內雜出六題分爲三場每場體制一古一今士恥
所擬如唐張鷟龍筋鳳髓爲待選預備之具且仲友曾著
詞科雜錄家學孺染殫見洽聞大冊高文與題相稱其來
有自又如姑溪朱惠直從九江王守習詞科目與出題不

浪擬豎錦江旄聊爲元暉老共拂塵埃又集中端平改元
陽月同弟昌裔自南山過龍井山僧話辯才近事且以某
兄弟爲坡潁因賦詩云一百年前老辯才復褰條帶下山
來松杉漚雨驚龍起篁竹生風喚鶴回戒行淨通林水觀
語言香落寶花臺更看坡潁畱詩處月墮山空眼豁開余
愛其集以配元祐蘇氏不難輝映後先也

又案宋史於兄弟俱合傳此例不下數十人獨吳淵吳潛
李性傳道傳心傳與泳昌裔則否而貫之微之同列儒林
又各分卷尤不可解

書龜谿集後

家藏忠敏公集十二卷公孫詵爲浙漕時所裒輯類次者也公居德清與烏程葉少蘊夢得太末鄭維心如幾遊處故學識兼二人之長毘陵張文靖守執政日公與胡忠獻世將曾並薦於朝公嘗奏言王安石之罪大者在於取揚雄馮道當時學者惟知有安石喪亂之際甘心從僞無仗節死義之風實安石倡之此論當與晁以道儒言楊廉夫悲舒王賦均爲荆舒信讞也

書自堂存稿後

宋陳杰自堂存稿杰字壽夫分寧人卽今南昌之寧州宋隸隆興淳祐十年進士制置司屬官杰行事不見他書就

其集考之蓋宋末逋臣遺老不仕於元者也宋訖祥興己
卯距其登第爲淳祐庚戌僅二十九年集中四言如春日
江永諸詩自注端平以來則猶未第時之作戊辰正月重
過弋陽結句云深谷有人難問信石橋倚徧晚晴天自注
爲謝疊山則謝竄興國已四年去元兵入臨安謝卽家起
義相隔亦止八九年其閒艤記作於延祐二年則入元又
三十七年矣詩如讀邸報三首鼎臣佚覆餗之刑鯁輔高
介石之操國事日非有足與史冊相證者與奏院郭公應
酉倡酬並載則嶺海厓山心事如覩至重過西湖感事及
詠涂家屏風題宣和御畫諸篇則黍離麥秀風景河山殆

有餘嘅其閒職一賦有云慕貞烈兮凌青雲願投老兮守邱林因自附於宿沙子江上丈人之徒則其生平固可想見矣其人可入謝臯羽汐社其詩可補杜伯原谷音稿凡十三卷見焦氏志今採自大典者析爲四卷

書青山集後

元趙儀可青山集儀可名文廬陵人初冒宋姓景定五年
明以宋永名舉於鄉咸淳三年
丁卯更名宋吉六年
庚午更名宋萬年三舉皆不第後復趙姓名文文弟宗彊字亦周弱冠登咸淳十年
甲戌進士文於是年偕至京補太學生越二年與宗彊入閩依文信國行至延平宗彊道死文與信國

同至汀景炎元年元師破汀遂與信國相失入元爲東湖
書院山長南雄教授程文憲志其墓載其後二十年往尋
宗彊之輓歸葬母易氏之墓田事甚悉詩文自出杼機直
抒胸臆往往卽小見大目擊道存其自言有曰凡人之行
事使人皆可知皆可見入而對家人婦子出而對鄉里朋
友無詭迹無覲容此君子之行也以至一話一言引筆爲
文亦必光明易直使人讀之而可曉考之而有證者此君
子之言也至身經陵谷語涉牢愁勞者能歌騷人善怨餐
西山之薇蕨感故宮之黍禾則又與吾汶藁晞髮編同其
心迹集少流傳僅見王氏續通考焦志作三十一卷今從

大典內抄撮詩文釐爲八卷又案志作趙文而集中署名或作儀或作爽蓋文以宋末遺民肥遁自晦故無定名云

書築菴集後

元贈翰林直學士封京兆郡侯謚文貞奉元同恕築菴集本傳恕字寬甫仁宗朝三召不起陝西行臺侍御史趙世延奏領魯齋書院教事延祐六年以左贊善召獻書太子厯陳古誼英宗立以疾歸其學由程朱上溯孔孟務貫浹事理以利於行教人曲爲開導使得趨向之正與蕭貞敏齊名時稱蕭同又案賈仁行狀謂恕詩喜陸放翁文慕周益公富珠璣原作字木勒作恕神道碑云世祖淵潛魯齋

許文正被教來秦士風翕然先生之徒相繼而出形於文
藹然仁義之言見於事卓然仁義之行也集二十卷見宋
史及焦氏志今大典內抄出文十三卷詩五卷考至元三
十一年國史修世祖帝紀采事四方陝西行省平章政事
咸寧王野仙辟恕爲掾編纂實錄故恕文於此事爲長集
中志狀諸作有可與金元正史參互者詩則流易而不免
於腐特以人傳耳

書畏齋積齋二集後

元鄞人程端禮敬叔畏齋集十卷見黃文獻所作墓志及
焦氏經籍志慶元自楊袁舒沈四大弟子尊尚金谿之學

而朱子之學不行敬叔獨從史果齋游以傳考亭明體達用之指一時生徒甚衆所著進學規程卽今讀書分年日程國子監以頒示郡邑校官爲學者式厯建平建德教諭及稼軒江東兩書院山主有集慶路江東書院講義一卷集外單行又爲鉛山州台州路教授所至以扶植名教興起人材爲己任嘗語諸生曰學問之道具在聖經賢傳吾嘗述之矣真知實踐則存乎其人疾革日已瞑而頭微偏門人樂良進曰先生頭容稍偏矣復張目端坐而終可謂得正而斃者矣晉卿墓銘有曰真儒有作乃發其部先生之傳遂有端緒又曰志局於位厥施未豐惟其教思垂於

無窮皆實錄也所爲文明清純粹多載道之語儼有德之言詩亦溫厚和平雅而不腐得朱子家數余從大典內鈔出僅六卷果齋名蒙卿咸淳進士以江陰教授改平江國亡不仕自號靜清處士早受業巴川陽恪暨大陽先生存齋枋小陽先生字溪畧陽氏師涪陵晏亞夫淵亞夫師朱子蓋淵源有自云

端禮弟端學字時叔並列元史儒學其積齋集亦從大典鈔得五卷時叔至治辛酉進士授仙居縣丞尋改國子助教動有師法學者以其剛嚴方正比諸小程夫子以別於敬叔焉考滿陞國史院編修每論譔爲學士虞伯生所推

服遷太常博士命未下而卒以子仲能徐貴贈尚書時叔
長於春秋在國學時慨春秋在六籍中未有一定之論乃
取前代百三十家折衷異同著春秋本義三傳辨疑春秋
或問經筵官請板行其書以授來學今惟本義三十卷或
問十卷存通志堂經解中詩文特其緒餘顧亦蘊蓄宏深
自在流露都非苟作綽有家風頡頏詰勗奚慚競爽考伯
生於文宗泰定初官司業時叔以助教扈蹕開平與之共
事上都胄監而集中絕少倡酬殆不以是事許之耶

書瓢泉吟稿後

元長典朱晞顏字景淵少隱塵市有詩名尋以習國字被

選仕爲浙東長林丞司煮鹽賦卽稿中所稱平陽州蒙古
掾是也平陽乃永嘉屬縣元陞爲州後厯江西瑞州郡監
稅其宦蹟可知者止此所至眺覽山水詩格益迺而仍不
廢曹務卒獻之獻序其少作已云老蒼雋健非近學所能
窺俗情所能汨又云擬古則不失作者之意詠史則能得
當時之情鄭宗魯僖稱其詩騫騰迅邁連軒清警人所不
予我獨紆餘文規繩古制不事浮靡麴生菊隱二傳尤奇
贍幽蔚其他唱酬贈答如鮮于伯幾揭曼碩諸人並卓然
名雋惜其集不甚流傳惟昆山葉氏目載稿四冊秣陵焦
氏志載集四卷今大典內鈔出析爲五卷其擬古十九首

南紀先生集卷十
及麴生二傳猶存晞顏父名文進字野夫吳草廬表其墓
稱晞顏能詩能文有猷有守勉爲良吏聞人則其人其言
曾爲有道所許矣

書陳隱君勉學詩後

元吳縣陳子平先生

諱

孝友文章爲三吳之冠淮張兵燹

身殉厥兄亂後著述散亡畧盡惜哉今顧秀埜選元詩寥

寥數篇不足以見先生精詣也嘉慶辛酉懷錦颿同年眎

予明姜太常

綱立

楷書勉學詩二十四首冊子讀之音節古

雅氣息淵醇直入漢京堂奧其講學皆切於倫紀裨於世
教布帛菽粟之言令人味之不盡陳基誌云爲文馳騁上

下尤善古賦爲虞伯生黃晉卿諸公所歎賞以爲不易逮者乃竟一字不傳卽周易解詁河圖說之僅存者亦不可得見然則選所云得之灰燼中二十四首實卽此詩秀埜未之見也噫俗之日偷安得奉先生詩戶說以眇論亟傳鈔其稿與士林寶之

書鷺湖集後

明鉛山龔敦鷺湖集敦史附安然宋訥傳中洪武三年以明經分教廣信學有六經圖兵燹後闕詩經敦輯朱子說補之十三年以尚書范敏御史葉孟芳薦其學行與莆田吳源性傳同以本郡教授被召入京時初罷中書省置四

輔官各兼太子賓客班尚書上每刑官議獄送四輔及臺

諫官覆覈有疑讞許封駁敦與王本
本以儒士行誼著聞召坐事誅不詳里籍

杜佑安邑人為春輔官杜敦
壺關人趙民望藁城人吳源興化儒學教授

為夏輔官並令兼攝秋冬尋與源同以老疾乞歸明年夏

又同召入國子學十五年五月十七日太祖幸學敦以博

士執經見宋訥太學碑吾鄉王原禮嘉會以檢討陞右司業時敦

為左司業常熟宋訥為祭酒三人者年俱高嚴立楷範諸

生肅然多所造就見兩浙名賢錄泊遷祭酒坐放諸生假不奏聞

免敦著有經野類鈔二十八卷及此集見明史藝文志焦

氏經籍志並六卷今大典內採出詩三卷文二卷昔王元

美云明興立赤幟青邱青田二家而已當是時孟載景文
子高實爲之羽翼而談者尚以元習短之數詩風調諧美
文亦老成惜其集罕行於世故自來蒼萃前明作者無能
舉其氏名然使弇州諸人得而品第之要是先正典刑具
有開國氣象者也邑乘載其論經野分宿於省分度於府
分數於縣大率兩浙江南屬女宿故其下應以桑麻蠶績
江西湖廣屬牛宿故民勤耕藝地饒五穀語多湊合夫分
野之說賈疏謂古受封之日歲星所在之辰其說甚善足
補鄭注所不及王子充曰十二野所以分天之綱者也其
要在明乎躔度而已山陰姜武孫承烈有分野辨其言以爲

辨之而終不辨莫若以不辨辨之數豈未之前聞乃欲以
楔舟膠柱之見求之耶

書遜志齋集後

正學所著大易枝辭周禮考次目錄武王戒書註宋史要
言帝王基命錄文統皆燬不傳先生友鄧氏利者獨顯仕
密書與鄉人凡先生詩文寸紙隻字悉燬之至天順成化
間遺文漸出右見明仙居應南洲良問存集集載方先生
傳附遺事四條南洲文頗謹嚴蓋陽明高弟也又新建陳
士業宏緒合宋文文山作二忠傳見恆山存稿俱應錄冠此
集

先生得禍之烈爲古今所無人未有不憫其忠而幾幸其
有後者余閱葉旻正學後嗣記并王弁州跋及雲間雜識
述正學被難尚書魏觀籍其家憐其無後密令幼子名德
宗字必昌隨母航海來松投方門人俞山月俞令此子冒
姓爲俞後欲贅爲婿嫌其同姓遂改爲余今余氏子姓繁
衍二百人萬厯己酉督學楊公淇園行下司理毛公孺初
備查方氏子孫命悉復原姓仍捐三百金建祠改鶴城書
院爲正學書院明史本傳世宗時松江人俞斌自稱正學
後一時士大夫信之爲纂歸宗錄旣而方
氏察其僞言於官乃已又常州府志載門人某先於建文
與此互異然雜識較詳初力諫削奪親藩之議正學不聽遂被髮佯狂歌哭市中

於其被禍時突入臥室攫其幼子去以綠絲繫之書一字衫上置常州府橋前有賣腐金翁晨起得之撫以爲子冒金姓故謝文肅弔正學詩有孫枝一葉是君恩之句祠記亦載此事其後有發解者以方字似六字復改金爲陸焉同一方之幼子或松或常或余或陸則信乎天之所以報奇忠有不爽者

又分宜黃子澄名湜以字行磔死時一子變姓名爲田

經遇赦家湖廣咸寧正德中進士黃表其後云

右見明史

朱孟震集載子澄有後一條云靖難初子澄攜四子及

一孕妾逃崑山追捕甚急有太守某者召諸子謀令長

子隨父就逮而三子改姓田孕妾復生一子公死難後
太守求其尸葬蘇之馬鞍嶺紀事於石納墓中有貴官
欲奪其地訟之官遣司理某勘之至墓所震雷一聲挈
碑石而出始知爲公墓司理具牲醴設奠貴官姚而止
今田氏代有顯者隆慶中妾之子孫始歸分宜云

右見通志

書呂文懿集後

吾鄉呂文懿公集暨令子太常九柏存稿予求之數十年
不可得嘉慶己未志局開其家以公集至共十二卷而六
七十三卷闕焉蓋藏自曹孺巖孝廉而歸於呂者卷首五
七言古詩並以二字爲題明詩綜所選古詩十首卽出其

中第六七卷皆序第十卷之寇莊愍墓志銘劉文介神道碑可以參補明史惜俱佚矣而閩藩黃公神道碑則卽正統間公所愛知之太守元氏人畱葬於禾者文載湯志尚存予讀之粹然藹然洵昔我有先正其言明且清者不特程篁墩所謂詩文不艱深靡麗如其爲人也雖多應酬之作而郡人之文獻徵焉集爲公曾孫龍陽君刊布迄今又二百幾十年矣設爲之後者未能重壽諸梓不且并斯殘本亦終於泯沒而無傳哉

書懷麓堂集後

西涯生平王文恪震澤紀聞詳哉言之矣且辨楊石淙志

墓之文訣辭非實至謂西涯作瑾碑文自比劇秦美新則御史張芹所劾使逆瑾事成則傳位之詔當出諸懷中其言未免過刻余嘗平心而論西涯在孝宗時以學士應詔上言援引孟經指切時要洎以大學士祭闕里還朝直陳民瘼無婉宰衡其在武宗時則奸閹亂政壹意脂韋其間虞仲翔所譏公卿選懦容頭過身然非大奸慝充其類不過一患失忠得之鄙夫宜劉希賢諡文靖洛陽人謝于喬諡文正餘姚人所不屑與之共事者也余少愛讀其詩文樂府未嘗不慨然惜其爲人其固位也有無名子投之詩其得美諡也有好事者爲之詩此皆世所習聞更無足道吾

國朝文苑英華卷一百一十五
朝王漁洋亦倣其體題句云此公乃得文正名太常惜不
聞榮靈臨宋蔡卞不嘗諡文正耶則其人又不可與西涯
同傳者

書王文恪集後

文恪嘗序吳匏菴集以爲文章不難於奇麗難於醇難於
典則又云明興作者代起獨楊文貞公爲第一爲其醇且
則也嘻文恪此言殆自道其得力之深者歟余瀏覽有明
諸公集不下數百家前有楊文貞後有徐文貞以公集參
其間讀之輒不去手而宋景濂方正學以及遵巖荆川震
川不與焉蓋余性之所近實亦竊取斯義云考文恪同時

邵二泉徐子容諸君子爭重先生之文以爲規樞昌黎以
及秦漢雄偉峻潔體裁截然振起一代之衰逮後王李等
七子握鉛槧繼起壇坫中原走儒生學士如狂而先生之
文竟置弗講甚矣世之矜耳而賤目也又云先生之文簡
而遠質而古所謂撥去其華得其根本故往往以少勝人
之多以淡勝人之濃蓋上苞宋潛溪諸公渾噩之氣下開
震川遵巖諸公簡嚴之法卽謂先生爲唐之韓愈誰曰不
宜又謂先生之文乃見性之文至姚江作傳則著其性善
之說文待詔作傳則著其羣經之說並揭其學之所得之
最醇者著於篇宜備錄以冠斯集

書鄭春寔集後

明給諫歸安鄭明選侯升集詩十二卷竹垞先生以爲在徐子與吳峻伯之上所取特多文十八卷亦清腴有法度余尤愛其批言十卷標古證今不減升菴丹鉛諸錄也給諫官畱都時定陵方養邃穆清宮殿兩不戒於火羣小競進上書以躬郊廟復朝講釋猜疑尚寬平遠貨利絕玩好其言切中時弊日本不靖朝鮮請救給諫謂不救匪義救之匪策陳救朝鮮之說五固中國之說五又條上六議備倭洎因請罷孝豐礦役疏入不報移疾歸結廬橫山之陽以終則其人品亦卓絕者不得以詞章概之

書甫田集後

待詔詩十五卷文二十一卷曾孫震孟錄王弼州所作文先生傳載之首簡卽所謂懺悔文也而附仲子嘉所述行畧於後余官京師時購藏本已酉夏五有以其手蹟冊子眎余者爲懶逸張孝思則之甫所藏曲阿賀燕徵識語以爲先生壯年所爲古文辭用小楷書之自藏匣中者內如陳亞之詩集跋尾諸賢考光州劉氏旌門記錢氏有斐堂記衍毀別李宗淵温州府君遺事敘徐昌國歎歎集敘自箴二首及自跋仿趙千里後赤壁賦圖集皆不存豈刊行者特選本抑其子若孫編集時偶遺之耶因繕出別爲逸

稿並珍弄之

書文衡山送周君還吉水敘後

明宏治己未詔周文襄與夏忠靖並祠於胥江之濱明年祠成文襄公之孫廷器自吉水以公畫像來遂肖其像祀之訖事乃去此敘之所由作也石田詩載其事甚詳入國朝祠廢有胥吏陶姓者自詭爲靖節裔卽其地改祀淵明昔王文簡以湯潛菴撫吳力毀淫祠而未及修復此祠爲可惜竊謂吳俗多淫祀往往費糜不貲而不暇計顧周夏之祀廢墜已久余每過吳莫有言及之者焉得以此敘告之

又余讀申瑤泉西郭經周夏二公祠有感云返棹橫塘路
倚杖胥江潯日落淨寒渚雲開出遙岑鳴蟬始抱葉倦鳥
方投林顧瞻周夏祠巋然愴予襟典刑雖云邈聲迹良可
尋拈据旣鞅掌經營多苦心川瀆就疏濬閭井無呻吟
蠶載明祀益鬻懷好音九原不可作千秋儼如臨垣宇
忽傾頽廟貌幾湮沈簷楹蛛網布庭几蝸廬侵漂搖褻俎豆
對越羞冠簪司存乃忽諸詭言力不任疇當念明德蔽芾
畱棠陰愾焉興寤歎轉盼成古今噫文定此詩慨祠之就
圯而作顧官斯土者興懷往蹟能無動於中乎

書姜太常楷書冊子後

明瑞安姜廷憲奉常世傳其楷書精整內閣寫制誥悉宗之嘉慶辛酉長夏同年懷錦颿助教攜眎奉常所書元陳子平勉學詩二十四首冊尾手識公暇習趙魏公書以自適余募玩再三歎其心手嫻熟蓋無筆不吳興也魏公時天竺國僧數萬里求其書以爲寶奉常則日本國遣使求其書扁以至寶自夸此豈可以虛名襲者而弁州巵言猶譏其工至而不免俗累豈其然歟又奉常曾爲吾郡漢塘九里亭姜霽書思賢草堂額霽爲僉憲學夔仲子堂在孺莊水東倘名蹟猶在他日當共訪之

頤綵堂文集卷十終

頤綵堂文集卷十一

秀水 沈叔埏 埴爲

書後

書沈楊兩忠愍集後

明世廟時前後劾嵩世蕃者桑喬

字子木江都人

沈良才

號鳳岡泰州人

喻時

光山人

謝瑜

字如卿上虞人

周怡

字順之太平人

葉經

字叔明上虞人

童漢臣

錢唐

王宗茂趙錦何維柏

字喬仲南海人

王璉

字韜孟金壇人

陳璫

餘姚人

陳紹

上虞人

鴈汝進徐學詩

字以言上虞人

周冕

資縣人

王與齡

字受甫寧

鄉人

吳伯亨李大魁周鈇

字汝威榆次人

徐宗魯吳時來

字惟修仙居人

柳州人

董傳策

字原漢上海人

皆被譴經用他過置之死獨沈

楊兩公一竄名白蓮教中取泛旨一附張經疏尾取特旨
死尤慘則嵩黨楊順路楷胡植鄢懋卿輩鍛鍊成之者也
余幼於塾課暇先君愛吟椒山先生風吹柳鎖滿城香一
詩耳之最熟洎得其集讀之畧能成誦藏有三部最後得
青霞先生集於吳山書肆遂並弄之各纂附錄一卷昔王
弇州嘗志沈光祿之墓狀楊太常之行矣至長安鄒雲卿
應龍甫田林若雨潤乘間抵隙從容而收其效者而又得徐
文貞少師主持於內郭鯤溟諫臣叅藩摘發於外然後大奸
之去如距斯脫蓋爲國除惡若斯之難也余故因兩公而
列敘其人將以次求其集焉吾郡平湖俞比部一清乾目

擊夏文愍死西市義憤仆地乞歸而卒嘉善卞司勳叔孝
錫衷封章劾分宜以迫艱不及上家石雲謚以論嵩被謫
又侍御包吳石孝疏劾嵩不法事將得罪適上禱元夢中
似聞人有愛惜人才語明日疏上帝手批云包孝是人才
免究舉朝莫測其意斯則邦之司直徵文獻者尤當亟予
闡揚者也

書楊忠愍贈應黃州冊子手蹟後

楊忠愍公贈應黃州序并書他詩文墨迹附弇州諸詩爲
公作者最後數百言述黃州視獄時別築室醫藥候問及
營救事甚悉且寄其邑人王治所作哀詞輓歌俾置冊後

嗚呼當明世廟時權奸竊柄流毒搢紳以彼假貴取寵陷公者實繁有徒而援公者亦不乏善類若弇州固不負死生之友而黃州洵無慚道義之交者矣黃州諱明德字在明號養虛台之臨海人嘉靖癸卯薦於鄉癸丑成進士甲寅授刑部雲南司主事是年夏獄疫大作公染病危殆間提牢官嵩黨曹天祐必欲寘之死而黃州適繼斯任周旋公者凡二年序所由作也其母聞之亦寄書謂楊公正人當加意保全洵是母是子哉余少時先贈公愛誦公朝審口吟一詩耳之最熟洎得公集亘昕夕讀之畧能成誦纂成附錄一卷顧此序未載集中當補入也考黃州救公欲

自具草不果作詩弔之有云市曹聞說僂言官公論須當
屬蓋棺君與誰人遊地下我將何面立朝端王百穀黃州
太守行云瑯琊長公忠愍友千言題贈黃州守司馬文章
董狐筆一死一生皆不朽其義聲感人如此余嘗謂吾浙
好懿之公雅多同志平湖陸太保炳掌錦衣先後論嵩下
詔獄者皆力爲調護永嘉張太僕遜業職橐籥於會稽沈
青霞百方爲其帥居間事稍解當流置上谷至鬻丙舍爲
脫裝世蕃志甚遂鐫秩去官而錢唐李珠山奎傾身庇沈
幾爲世蕃中以奇禍公與青霞忠諫在伯仲間是三君子
者不且與黃州若出一轍耶曩余官

輦下謁公炸子橋松筠菴故邸獲交公八世孫序班理出
眎兩疏手稿及公赴義前一夕遺筆題詠甚夥卷如牛腰
曾許繕公本傳又公壽徐文貞序稿爲公四世孫聰福攜
贈宋西陂矣余亦許爲補繕畱弄菴中南歸後鹿鹿此諾
尚未踐也冊爲吾友鮑綠飲兄購藏有年不欲私爲一家
物將寄奉公祠屬余識此意於末簡會余都講鶴湖學博
同年臨海洪平木爲

國初南沙先生曾孫貽余南沙集并先生所輯縣志余因
考知其詳平木與應氏有連力任版行以公藝苑且請還
冊於其宗祠冊內陳木叔答應憲臣書擬錄一通公之削

刪卽此意也木叔行事見南沙先生所作傳黃州子汝稼
汝稷並孝廉稷知河陽州有惠政憲臣實黃州孫第未知
爲誰子耳余竊以爲公祠自有疏稿足共千秋此爲公贈
黃州而作冊歸臨海俾汝南世世守之爲吾浙先正典型
當亦緣飲兄所許可也

又案公序署乙卯八月書於福堂疏圃余蓉裳太史引真
珠船云明錦衣獄壁上大書福堂二字爲衆議鳳翔王億
書語本文種祝辭憂爲福堂固已余考魏書顯祖有云夫
人幽苦則思善故囹圄與福堂同居宋鄭文肅識奏條元
魏恤獄故事蓋恤獄之仁莫如元魏讀刑罰志可知又陳

木叔著有寒玉寒光寒香寒松寒耘等八寒集共二十六卷見黃氏書目傳是樓書目台州府志傳所未詳

書鈴山堂集後

甲辰二月余與同年裘錫初會課於文達公

賜第見插架此集因取讀之歎曰孔雀雖有毒不能揜文

章弇州語不虛也友人上饒紀涵溪教授袁郡一再寓書

乞之閱五載寄至遂卒讀焉分宜入翰林移疾歸讀書鈴

山者七年其詩清麗作錢劉調五言尤爲擅場蓋李長沙

流亞特古樂府不逮之耳

語本吾鄉沈景倩

清江孫鷺沙

偉

蘭谿

唐漁石

龍

爲之點定猶未厭其心也復乞升菴品詩於萬

里外志欲爲世聞人與前後七子共鞭弭壇坫耳及官禮
侍以獻符瑞稱旨長列卿以奏賦頌蒙眷爰立之後尤以
青詞結主知使其堅守初志取容詞臣不且與袁文榮焯
呂文安本李文定嚴文靖訥張文毅治輩共其令終也
耶乃晚溺富貴流爲奸雄醜子乾兒助成不朽雖欲爲詞
章之士而不可得矣嗟巧宦者盍鑒諸

泊閣喜稻堂徐氏所藏四十卷詩詞十六卷則孫楊評點
在焉九卷後止載升菴評語而於應制腐惡之作亦復不
贅一辭集序甚多像贊首附最可笑者湛甘泉序稱焚香
對書再拜再拜復再拜上以答公禮數之殊也亦以賀

公求言之篤也贊云胡然而仙乎胡然而神乎夫甘泉非
爾時所稱講學大儒乎而辭之猥鄙若此此聖門所以必
致辨於君子儒也

書朱文恪集後

嘗怪吾鄉竹垞先生不爲文恪公訂刊其集分甘餘話謂
人家子孫畱意祖父著述往往不多得如葉文莊遺稿李
映碧南唐書並可傳後而兩公子孫通顯竟不付梓流通
況其下焉者乎此言殊可歎惋嘉慶壬戌新秋朱輯堂茂
才攜畱家刻介石齋集二十卷不甚完好而零篇斷簡掇
拾無遺詩文外附入孝宗大紀考萬厯二十二年甲午允

大學士陳文憲

丁

之請纂修國史故崇仁吳文恪

道

南河渠

志亦載集中迨丙申文憲逝史亦竟罷靜志居詩話引繆
于野言以公集未刊爲鄉曲一老儒所亂老儒乃海鹽姚
士彝叔祥也其人嘗以文字佐公負書簞之稱蓋食古而
未化者也公寄詩有百靈看豹變千眼豁狐疑句推許甚
至余讀之大抵奧衍而艱澀者類叔祥所爲若夫識達體
要文從字順各適職者乃公之真也亦奚難一一辨之哉

書朱文肅集後

明烏程相公朱文肅逆閹目爲此老亦邪人但不作惡可
令善去者所著清美堂集閔雪蓑

聲

所謂數十萬言僅飽

蠹魚之腹者也此小字鈔本文集八冊二集一冊凡九冊
曾藏倦翁處流轉入吾家而闕其第三冊公嘗志朱文恪
之墓介姚大司空之壽其他涉吾鄉文獻者尙亦有之公
自館選卽手輯國史成明史概百四十二卷臨終語子絰
曰我一生精力萃此書汝力成吾志門人閔康侯元云史
概爲晚年精神所注事覈而賅雪蓑亦言公一生心血聚
於此書惜後人僅刊其半其半復爲匪人莊廷鑑盜取余嘗
讀其自序并其子絰紳所作行述分門凡十記曰大政大
訓大事大志
大因傳曰開國
遜國歷朝雜外今史概久佚而湖郡志補編又載公輯明
紀傳三十卷亦亡湖人得見此集者或抄矣暇當另錄一

副訪其後人畀之

書靈山藏詩後

家藏明上饒鄭方水靈山藏集十六卷內畫壺集滄海叢
雨存篇猶奕稿鸚鵡車各二卷笨菴吟六卷方水名以偉
字子器萬厯辛丑由檢討厯官東閣大學士卒諡文恪思
陵五十輔臣之一也四朝人物考熹宗朝方水轉禮書以
講筵面叱逆璫上疏乞歸曹倦翁作傳載其爰立時疏辭
至再既不允到任疏有曰古人雄分多者范仲淹近於力
可任重英分多者李泌近於智可謀大臣遠謝唐宋之臣
而遭逢堯舜之主臣獨何心敢不勉奮傳又云善讀書多

著述稟擬非其所長嘗歎曰吾富於萬卷窘於數行今觀其詩頗亦奧博然遭時多艱任之心膺而乃鉢肝剗腎於風雲月露中豈非沒頭腦之詩人耶明詩綜子器誤作子夫其所著又有沍泥集

書保閒堂集後

虞山趙文毅

用賢

以爭江陵奪情拜杖削籍文孫宮允東田

先生

士春

復以爭武陵外謫

柳東隨筆云謫福建布政司檢校未嘗拜杖也

禁林諫

草前輝後光可謂世濟其美矣有明三百年諫奪情者如景泰時周文之於江淵李秉彝之於王復成化時羅倫之於李賢正德時祝萃之於楊廷和萬厯時張位吳中行趙

用賢艾穆沈思孝鄒元標之於張居正至楊所修楊維垣
之於崔呈秀出於嘗帝並閹黨無足言者及此而六前後
共十餘人而六十年中出於一家祖孫則前此未之有也

乾隆戊申余授徒臬署元孫怡園

會

出脉斯集廿五卷

自序

予於辛卯彙所作詩文十六卷閱八載再得十卷

宮允遭時顧領學道學禪詩多

幽憂之思噍殺之音文故斐然可觀學以陸王爲宗讀心

說格物說可見顧其上疏時甫入詞垣與江右劉侍講晉

卿

同升

聯牘被謫偕行共以節誼相期許虞山玉堂雙燕行

所由作也洎晉卿泣血殉主後歸潔一身晚逃二氏自號

煙霞道人忍死食粟者又三十餘年志亦彌足悲耳其歿

也徐東海誌其墓

書敬亭集後

葉陽姜貞毅之寔宣城前人多有詠歌之者余少讀毛西河詩云曾披閭闔扣天關垂死孤臣未賜環遺命一棺何處葬宣州城外敬亭山爲之愴然洎往來虎邱過二姜先生祠未嘗不哀其志欽其風烈而心竊疑其過當顧未有從而論之者獨新城王文簡斷之曰非禮以爲給事身值滄桑居吳不返或歲一歸省墓或數年一歸猶可也死不首邱又不歸骨先壟顧遠葬戍所此則矯激好名之過而害天性之恩可已而不已者也至遷其夫人遠祔江南而

以衣冠代歸葬此尤非也已不歸葬已無以慰父母之望
於地下乃并其婦已葬之骸骨大去其鄉明其與父母絕
矣孝子忍乎哉是何其於君臣之義厚而於父子之恩薄
也斯言也文簡之責備賢者不私其鄉人若此余惟當日
建言謫戍特故君未寤首輔之奸耳迨奸狀敗露其事已
大白於天下禮曰爲人臣之禮不顯諫三諫而不聽則逃
之又曰殺其身有益於君則爲之況于其身以善其君乎
又曰君有責於其臣臣有死於其言夫貞毅之諫顯諫也
蓋明季諸君子皆然一時風會所趨爭效烈士之徇名雖
瀕九死而不悔至罪輔已誅明社已屋而環召未及亦捨

攘中遺之耳而非可遂以是彰君之失也且荷戈畢命身

亡不反其尸將于其身乎抑死於其言乎顧原其心亦尚

曰不忘故主則然若乃越數千里遷祔厥配櫛所落齒返

瘞於萊徐枋銘其齒藏枋字昭法少詹事汧長子是則違時絕俗好為激詭之

行不與不經殆二子安節實節重違治命輕蹈非禮者之

所為固不可為中行訓也乙巳六月同年虞榮淦出示敬

亭集十卷因推論之書其後案貞毅抗疏子杖在崇禎十一年康熙癸丑卒王父簡有

輓詩云曾聞碧血裏朝衣滄海橫流萬事非生已變名吳市去死當埋骨敬亭歸空山落日鳴鴉鵲孤墓深春長巖

微魂傍要離君愛弟英歲來往怒濤飛

書心學大成後

吾鄉孫子麟先生讀姚江傳習錄知事心之要在萌處著

力於是徧輯明儒語錄如曹月川端薛敬軒瑄吳康齋與

王陽明守湛甘泉若魏莊渠校呂涇野柟薛中離侃何善

山廷尤西川時來瞿塘知魏水洲良歐陽南野德唐一菴

樞仁羅念菴洪唐荆川順沈石雲謚楊斛山爵洪覺山垣林

東城春蔣道林信薛畏齋甲王自齋貞曾廓齋汝錢緒山

洪德王龍溪畿徐波石樾楊天游應王少湖敬李同野渭趙

大洲貞毛介川愷周都峯怡王塘南時周萊峯思貢受軒

國安羅近溪汝史惺堂桂姜鳳阿寶耿天臺定耿楚倥理許

敬菴孚李見羅材張宏山後王一菴棟鄒穎泉善邵定宇

以讀孟我疆秋劉念臺宗周金伯玉鉉馮少墟從吾李九我廷機顧

涇凡允史玉池孟麟鄒南臯元標何天玉棟如共五十六人曰聖

學大成余取先生詆宗儒為異學辨窮理盡性以至於命

解格物釋義知恥論竊不自揣少為詮次益以趙東田士春

心說格物說二篇而直改曰心學大成云先生曾孫承寵

余內子從叔也乾隆丁亥乞序於余是書畱婦舍三年時

錢文端聞而屬繕一部洎歸少寇師插架令子研溪贊府

至今藏之先生又著易學心符惜未之見

書永樂陶氏世譜後

陶氏遷吾禾永樂鄉居金橋者曰十六將仕十二將仕七

十一將仕九十一將仕至菊隱義士凡五世再遷雁門蕩
距橋北十里至今稱雁湖陶氏云明萬厯己亥冬十一月
行一百十五陶襟字名九樂者涉江造陶堰謁石簣石簣
與其宗人名以禮者出譜牒示之內載宋熙寧間台州刺
史佚其名以不受新法罷官家臨海之長潭子孫繁衍分
三十三支元符末有讒於上者曰長潭有王氣不戢將有
變其族懼遂各徙徙有細三者徙杭之洛王山細三生添
四添四生國康國康生真五徙仁和九都復徙嘉禾王江
涇相傳卽十二將仕於是兩譜之合若瑞之於冒而襟字
涉江之行亦若磁之引鍼其先人有默啓焉者斯亦幸矣

會稽之陶系出漢初開封愍侯舍舍子丞相夷侯青青孫
敦安帝朝大司徒敦孫珂漢末避亂江東珂子丹吳揚武
將軍柴桑侯丹子晉太尉長沙郡桓公侃侃子武昌太守
茂茂子彭城太守姿姿子靖節徵士在晉名淵明在宋名
潛徵士第三子份份後六世無聞唐末名解者避諱改唐
姓子彥謙彥謙孫峴復陶姓峴孫穀石晉天福中翰林學
士承旨穀長子邴邴子相天聖四年大中丞相次子卽台
州刺史某某生堵堵生清政和初敷文閣學士清生琪琪
生倫倫生千一千一生萬二萬二生細二細二生添二細
三之與細三添二之與添四則皆兄弟行也曩余於壬午

閏五月得錫山陶希聲默所纂仰止錄讀之與譜異者如

敦於青爲九世孫敦官大司空非大司徒敦孫同非珂又

考宋王質紹陶錄栗里譜云靖節父軼名此云姿不知何

據峴爲彭澤孫事詳甘澤謠袁郊作全唐詩峴開元時人家

崑山彥謙乾符末避地漢南光啟後累官閩壁絳三州刺

史相隔百餘年何得反云彥謙之孫豈別是一人或譜有

譌脫耶陶氏譜一卷荆自鄱陽陶直夫明高茂先時作昌華

邑陶氏族譜序曰吾昌邑諸陶系出晉處士靖節先生又

曰宋咸淳中袁州軍判公叔量嘗成書於廟而信國序之

今考文山集此序不存則未知昌邑之陶爲靖節幾子康

熙間太史金豫齋

德嘉

序其鄉陶氏族譜云其始遷廣濟者

曰汝明故都昌左蠡人以徵士第二子曰俟者爲鼻祖至

總管子遠名世安亦字菊隱元初嘗節制蘄郡已而歸田

以菰菊老鄉里名其地爲陶家塘據此則靖節後同時有

兩菊隱亦一奇也又考吾郡諸陶最著者莫如嘉善之南

北二莊朱紹興中保義郎陶文幹自蘇來徙繼而承信郎

陶允監鎮江府都茶場門陶達守福州助教諭陶誠進士

陶大章進士安慶教授陶大甄領漕舉陶大猷監鎮江戶

部大軍庫陶大鈞漕舉陶夢得明初安化教諭陶振字子

昌自號釣鰲生元季徙金澤學於楊鐵崖則未知陶莊之

與雁湖其源流同異何如而較之陶堰則甚近矣嘗見華亭顧小厓先生成天所述世系中間譜絕得他譜續之始完上溯凡六十五世其事與此正同嗚呼譜法之不講久矣君子觀於陶顧譜系絕續之交其猶得漠然置之也哉摘其畧識之以示兩弟

書馮具區精嚴寺重建鐘樓碑後

吾邑學宮踞地最勝相傳明世宗時地師用四壬寅日日闢鳴陽門於甲方面科日益盛精嚴寺鐘樓鯨鼉吼起於學之巽維其興毀輒係全邑人文碑記云云邑乘具在可按而知也入

國朝百餘年來鐘樓久淪茂草矣乾隆三十五年庚寅嘉平寺僧議興殿工而此刹正當學之西南爲形家所忌自不可使之凌駕庠黌之上鄙意欲煩阿闍黎移大殿於鐘樓故址則吾學人文之祥永遠資其利益譬之治河是亦賈讓徙冀州民當水衝之上策也當有筮予言者

右跋作於乾隆辛卯穀日時或迂予言則相率揮鉞鋤截其柱而精嚴寺矮殿以成又三十年吾邑重修學宮南鄭何侯以四戊午上櫟適是科不錄一士人皆以爲口實越明年己未成進士者三人而浮言乃息夫士先學行科名何足重人况砥行礪學及其成功亦安有不

遇者陰陽家言用以作諸生之氣斯可耳必沾沾於是
非但見方隅而何琢三首座系出儒家蚤參法席駐錫
卅有餘年信施雲集裒衣孟之羨百廢具修而又不
自矜尚與之言意味深長乞書此卷藏於丈室嘉慶五年
庚申春仲

書孫僉臬雲山履歷冊後

古者仕以驗其學故有裒次詩文一官一集又或歷仕有
錄觀我有圖非以夸宦達侈靡也舉凡民生之利病風
土之淳澆賦役之煩易戶口之豐耗與夫山川之險情封
守之堅瑕以至賓僚之賢否名蹟之湮存無不條分而件

繫而不肯以傳舍視之也故明宮保孫簡肅爲同郡嘉隆間名臣乃弓裘所自則悉秉厥考臬僉公之誼訓公起家興化令嘗以大水傷稼當道不爲請白卽自爲奏詔減田租之半又賑民之飢者以萬數武廟南巡淮揚公以同知攝守於淮民賴安堵泰州飢又發粟賑之活三萬餘人其他治行不勝述宜公之大啟後人也已此雲山履歷冊二十八幅爲公僉滇晉臬事時跋涉萬里撫景西題命工摹繪冊首序言及左方詩句皆公親書楷字簡肅跋後備言公督屯北畿歸民侵地無筭及備兵密雲首服礦寇千餘皆公生平可紀之績而非斯圖所能悉也乾隆甲辰秋述

菴內兄出示索余題識余於乙酉春爲公家就壻辱述菴
大父商澍先生以公峯溪集見贈今諸詠俱載集中惟春
日次陳子昂韻一首不存余少嘗留意吾禾文獻旣循誦
公集閱二十年又獲拜觀公之儀刑手澤未嘗不歎公之
持身執行倬迹古人不徒垂範鄉井至居官廉直尤足爲
初筮者之所取法而奉以服習終身用補述公初政崖畧
爲公子跋中所未及臚敘者著公之不負所學類若此而
亦以識余傾嚮之私云

書同胞雅會圖後

庚子冬余旣作長歌以詠斯圖矣越四載甲辰余以寧母

還南辱述菴內兄時相過存復乞爲圖題籤畱子舍數日
因出余所藏簡肅公家訓與兩弟讀之有曰家人離必起
於婦人

本通書

又曰男勿惑婦言可以敦雍睦矣其言至爲

深切斯則公六子作圖之意也在易家人之彖曰兄兄弟
弟夫婦婦而家道正禮運曰兄弟睦夫婦和家之肥也
夫婦不先於兄弟卽家之所由正與肥可知矣晏子曰
兄愛而友弟敬而順夫和而義妻柔而正禮之善物也睽
之彖曰二女不同行革之彖曰二女不相得說者曰睽爲
未嫁之姊妹革爲已嫁之妯娌不同行不過有相別之意
不相得則將有相克之事甚矣女同居之難也睽而不已

其漸必革家道至此而同爨之風尚可復得耶常棣之詩
閔兄弟之失道而作也其曰妻子好合必先曰兄弟既具
曰樂爾妻帑必先曰兄弟既翕豈非兄弟常聚則婦言不
得而閔之思齊曰刑于寡妻至于兄弟蓋刑于之與友于
其道綦嚴矣詩雖爲王者言之然經旨無所不賅亦何嘗
不通於大夫士耶昔北齊顏黃門曰娣姒之比兄弟則疎
薄矣今使疎薄之人而節量親厚之恩猶方底而圓蓋必
不合矣惟友悌深至不爲傍人之所移宋大名柳氏曰人
家兄弟無不義者盡因娶婦入門異姓相聚爭長競短漸
漬日聞偏愛私藏以致背戾分門割戶患若賊讐皆汝婦

人所作男子剛腸者幾人能不爲婦人言所惑耶明鄉忠介南臯先生曰天下無不愛妻子之人而有不睦之兄弟殊不知夫妻異姓而兄弟同胞人能以愛妻子之心愛兄弟則天下無不睦之兄弟矣余嘗尋繹顏氏柳氏鄒氏之言與公訓適相發明而同繫之會實本伊川程子所云凡人家法須月爲一會以合族卽古人花樹韋家宗會法是也法今不傳考唐岑嘉州有韋員外家花樹歌云君家兄弟不可當列卿御史尚書郎朝迴花底常會客花撲玉缸春酒香韋員外佚其名嘗讀唐書竊以爲張燕公所謂韋述兄弟人之杞梓李昌谷送韋仁實兄弟入關韋郎好兄

弟疊玉生文翰者庶幾足以當之按韋述乃集賢十八學士之一舍象亭圖形者也又按唐書宰相世系表韋氏有彭城公房逍遙公房蘇州出彭城公房抑未知卽其家否也余因公訓引而伸之以勗兩弟間以語述菴述菴併乞綴書於卷尾

書雕蟲賦後

吾鄉譚埽菴司成年五十三作此賦一名小蟲賦一名小化書載本集輟渚草別有註疏本專行分三十七段百七十牒卽此冊是也彭城氏謂亦荀卿請陳俛詩之意作蟲詩十二章以詒之今併司成自題詩及王毘翁次韻抄附於後案蟲賦始漢孔臧蓼蟲賦魏曹植晉傅元陸雲均有

蟬賦傳咸蟲賦最多甚至及叩頭蟲郭璞蜜蜂虬蟬二賦

成公綏蜘蛛賦傳選蝨賦宋王素南齊卞彬魏子和

任城王名

順俱有所作唐元白蟲豸七篇禽蟲十二章李義山作蝨

賦陸魯望有後蝨賦又拾遺孟匡朝貶賀州作竊蟲賦兒

封氏聞見記俗人以有此者不祥宋則歐陽公之鳴蟬憎

蠅螟蛉賦張文潛有鳴蛙賦明楊升菴蝨賦倣荀卿體後

蝨賦倣橘頌體又有石砧賦楊廉作夢蛙賦又甬上李孝

謙本有蟲言二首一蜂起云翁翁復翁翁汝儔誰與同一

蟬起云遮了遮子

今譚蟬賦中亦有是名

主人破屋忙不補只愁秋

來長苦雨嘗聞閩人林朝儀撰蟲異賦則兼鳥獸鱗介之

屬共三百餘種東坡有二蟲詩詠水馬兒及鷄濫堆又題
雍秀才畫草蟲八物而爲南禪長老作六蟲篇則鳳凰鵠
鵠與井蛙蠹魚老牛並列此卽蟲異所本也又聞其賦句
法學禽經余未之見他日當購以並存

書綵衣集後

河陽趙玉峯少宰以詩文娛親所著正續集凡一百二十
卷此四十六卷其正集也辛丑冬余於京師崇國寺購得
國初大老如李文勤爵杜文端立李文襄之郝恭定惟
公少宰俱爲立傳可備史臣之采擇少宰撫吾浙在康熙
二十三年甲子嘗開濬杭城市河及代貧民償營債萬餘

金事載沈昭子潘稼堂所作記公有濬河述畧載集中浙人至今尸祝之吾鄉杜遇徐大宗伯序公武林會語稱之甚悉洎撫江蘇在康熙二十五年丙寅捕蠹吏置之法復請疏濬吳城久涇河道內擢兵部督捕侍郎有美名王漁洋繼之因往請益少宰告以推廣

朝廷德意日行幾善事則夜臥始安洵仁人而兼孝子者哉母壽百齡而養猶健官居九列而學更優皆吾黨所樂爲誦法者寄歸以示兩弟特識之

書改亭集後

吳江計甫草改亭集十六卷牧仲鈍翁各有序西堂次其

軼事如鄴城西門外尋謝茂秦瘞處得之荒草中請當事

封土立碣如宋李文授孟傳爲楚州司戶葺徐積墓元湖州

路總管郝子明鑒復胡安定墓明邵文莊封漢御史大夫

鼂公墓王文邁修李文正墓在阜成門外韓子新修李空同墓

黃子羽在蜀修楊文忠公墓道王于一客通州值水漂金

將軍墓解橐葬之將軍文山客也葬日有大風揚沙之異

國朝郎溫勤延極爲浙藩修董孝子墓施愚山在濟南時爲

滄溟先生作墓碑且爲立後奉祀吳園次綺修孫太初墓

諸故事甫草過邢郡憩逆旅忽念歸震川有廳記所稱獨

步空庭槐花黃落滿階砌殊歡然自得及衙內一土室戶

西向寒風烈日零雨飛霜無地可避者遂徒步入城遍求
不可得乃入署旁廢圃中熱瓣香流涕再拜去又至吾禾
金明寺上陶朱公書自稱世通家索其始祖計然七策以
爲致富之方弱冠識收仲以嚴鄭公李贊皇許之卒賴其
力刊遺草以傳自比王猛馬周讀千史閣部籌南論五篇
非妄言晚乃自比於盧枏徐渭蓋傷不遇也甫草籍嘉興
與曾氏爲世舊今漢中錄序存集中詩六卷亦朗朗可誦
丁亥閏七月假何氏書因識之